



BOSNIA AND HERZEGOVINA
FEDERATION OF BOSNIA AND HERZEGOVINA
JUDICIAL POLICE

Broj: Sp-04-04/2-11-6-2522-19/25
Sarajevo, 02.09.2025. godine

Na osnovu člana 11. tač. e) i f) Zakona o sudskoj policiji u Federaciji Bosne i Hercegovine („Službene novine Federacije BiH“, broj 77/20), čl. 69. stav (1) tačka a) i 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), člana 28. Pravilnika o nabavci roba, vršenju usluga i ustupanju radova Sudske policije u Federaciji Bosne i Hercegovine, broj Su-Sp-18/23 od 21.02.2023. godine, a u vezi sa Odlukom o nabavci roba, broj Sp-04-04/2-11-6-2522/25 od 28.07.2025. godine i preporuke Komisije za javne nabavke imenovane Rješenjem broj: Sp-01-11-4-456/25 od 11.02.2025. godine, direktor Sudske policije u Federaciji Bosne i Hercegovine, donosi:

ODLUKU
o izboru najpovoljnijeg ponuđača

I

Postupak nabavke usluga popravki, održavanja i čišćenja prostorija za potrebe Sudske policije u Federaciji Bosne i Hercegovine, pokrenut Odlukom o nabavci roba, broj Sp-04-04/3-11-6-2522/25 od 28.07.2025. godine i objavom Obavještenja o nabavci na portalu javnih nabavki Bosne i Hercegovine, broj 32599-7-2-79-3-50/25 od 04.08.2025. godine, okončat će se zaključenjem okvirnog sporazuma sa ponuđačem **OKI UPRAVITELJ d.o.o. Sarajevo**.

II

Postupak iz tačke I ove odluke proveden je putem konkurentskog zahtjeva za dostavu ponuda, a za izbor najpovoljnijeg ponuđača korišten je kriterij „najniža cijena“.

III

U postupku nabavke iz tačke I ove odluke zaprimljena je ukupno jedna prihvatljiva ponuda ponuđača: **OKI UPRAVITELJ d.o.o. Sarajevo**.

IV

Okvirni sporazum o nabavci usluga popravki, održavanja i čišćenja prostorija dodjeljuje se ponuđaču **OKI UPRAVITELJ d.o.o. Sarajevo**, sa ukupnom cijenom ponude u iznosu od 5.031,50 (pethiljadatridesetjedan i 50/100) KM bez uračunatog PDV-a, odnosno 5.886,85 KM (pethiljadaosamstotinaosamdesetšest i 85/100) KM sa uračunatim PDV-om.

V

Izabrani ponuđač **OKI UPRAVITELJ d.o.o. Sarajevo** je u svojoj ponudi dostavio tražene dokaze navedene u tački 3.2. tenderske dokumentacije, a koji se odnose na član 45. stav (2) tačka od a) do d), čime se oslobađa obaveze naknadnog dostavljanja istih.

VI

Po konačnosti ove Odluke, Ugovorni organ će pozvati izabranog ponuđača radi zaključenja okvirnog sporazuma.

VII

Ova odluka objavit će se na web-stranici (www.sudpol-fbih.pravosudje.ba) Sudske policije Federacije Bosne i Hercegovine, te će se u skladu sa članom 70. stav (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) istovremeno dostaviti svim ponuđačima koji su učestvovali u predmetnom postupku javne nabavke.

VIII

Ova Odluka stupa na snagu danom donošenja.

Obrazloženje

Sudska policija u Federaciji Bosne i Hercegovine (u daljem tekstu: Ugovorni organ), pokrenula je postupak javne nabavke usluga popravki, održavanja i čišćenja prostorija, donošenjem Odluke direktora Sudske policije u Federaciji BiH, broj: Sp-04-04/2-11-6-2522/25 od 28.07.2025. godine, Obavještenje o nabavci broj: 32599-7-2-79-3-50/25 od 04.08.2025. godine, s namjerom zaključivanja okvirnog sporazuma na period od dvije godine.

U postupku predmetne javne nabavke Komisija za javne nabavke je blagovremeno i pravilno organizovala otvaranje ponuda, o čemu je sačinila Zapisnik sa otvaranja ponuda broj: Sp-01-11-6-2522-14/25 od 28.08.2025. godine.

Prema Zapisniku sa otvaranja ponuda za aktivno učešće u postupku dostavljena je ponuda ponuđača **OKI UPRAVITELJ d.o.o. Sarajevo**.

Komisija za javnu nabavku za potrebe Sudske policije u Federaciji BiH izvršila je pregled i ocjenu dostavljene ponude, te sačinila Zapisnik o pregledu i ocjeni ponuda broj: Sp-01-11-6-2522-17/25 od 01.09.2025. godine, kojim je utvrdila da ponuda ponuđača **OKI UPRAVITELJ d.o.o. Sarajevo** sadži sve elemente tražene tenderskom dokumentacijom, odnosno da ispunjava sve formalno-pravne zahtjeve i shodno utvrđenom kriteriju "najniža cijena" ispunjava sve zahtjeve Ugovornog organa.

Komisija za javne nabavke je utvrdila da je u postupku podnesena samo jedna prihvatljiva ponuda:

- **OKI UPRAVITELJ d.o.o. Sarajevo** sa konačnom ukupnom cijenom ponude od 5.031,50 (pethiljadatridesetjedan i 50/100) KM bez PDV-a.
- te postupajući u skladu sa članom 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj 80/23) postupak se okončava primjenom člana 69. Zakona o javnim nabavkama.

Po konačnosti ove Odluke, Ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku, shodno zahtjevima - uslovima Ugovornog organa navedenim u Tenderskoj dokumentaciji, broj: Sp-01-11-6-2522-7/25 od 29.07.2025. godine i propisima koji regulišu isto.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija za javne nabavke u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24), Zapisnikom o pregledu i ocjeni ponuda broj: Sp-01-11-6-2522-17/25 od 01.09.2025. godine riješeno je kao u dispozitivu.

Pouka o pravnom lijeku:

U skladu sa odredbom člana 99. i 101. stav (5) tačka c) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), protiv ove Odluke može se izjaviti žalba Ugovornom organu, u roku od 5 (pet) dana od dana prijema ove Odluke.

Dostaviti:

- **OKI UPRAVITELJ d.o.o. Sarajevo**, putem e-pošte: enes.uzunovic@oki.ba i kontakt@oki.ba;
- Sektor za pravne, računovodstvene i opće poslove (za web stranicu);
- a/a.



DIREKTOR

Glavni generalni inspektor sudske policije

Dženad Grošo, mr. iur.